



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manvale Exercitiorvm Spiritvalivm

Capilla, Andrés de

Coloniae, 1607

Exercitium matutino tempore exercendum quando expurgiscimur.

[urn:nbn:de:hbz:466:1-53232](#)

EXERCITIVM PRIMVM.

*Matutino tempore exercendum
quando expurgiscimur.*

RAECEPIT Deus in veteri lege , omnium rerum primitias sibi consecrari , quod eo fecit consilio, ut omnes agnoscerent & cōfiterentur ipsum esse Dominum totius vniuersi, decuius liberalissima manu, cuncta nobis abundē proueniant,& subministrantur. Ita Iustissimum quoque est, ut ei offeramus primitias vniuscuiusq; diei, quem nobis ideo præstat, ut in eo vitæ ac lucis huius vsura fruamur, & creaturarum solatio gaudeamus. Quod fiet si opera dederimus, ut ipse primus cor nostrū possideat illum priorem cogitemus desideremus, amemus. Quod commode fieri poterit sequenti exercitio:
Psalm.3 Ego dormiui, & soporatus sum, & exurrexi quia Dominus suscepit me.

aa 5 Cant.3.

MANVALE.

Cant. 3. Surgam & queram quem diligit anima mea.

Psalm. 87. Mane oratio mea praeueniet te.

Illi 33. Domine misere nostri, te enim expectavimus est obachum nostrum in mane,
& salutem nostra in tempore tribulationis.

Psalm. 43. Exurge domine adiuua nos. & redime nos propter nomen tuum.

Adoratio.

Adorabimus Deum in iustis cordis nostri, agnoscentes illum esse verum Deum, Dominum, & Creatorem nostrum, cuius est vita qua vivimus, & esse quo fruimur, a quo toti dependimus, & sine quo ne momento quidem subsistere possemus.

Gratiarum actio.

Gratias ei referemus pro omnibus beneficijs cum generalibus, tum specialibus quæ de sanctissimis eius manibus iam inde ab exordio conceptionis nostre in hanc usque horam suscepimus: Speciatim vero quod vitam nobis saluam & in columem illa nocte conseruauerit eamque ad auroram usque produxit.

Petitio

EXERCITIO. SPIRIT.

Petitio.

Postulabimus à Domino, ut hodie-
na die sanos atque incolumes nos
custodiat, quo gratum ei obsequium
exhibere valeamus, utque cuncta no-
bis ad vitæ sustentationem necessaria
suppeditet, & ab omnium inimicorum
nostrorum insidijs, ne eorum fraudi-
bus scelus aliquod impulsi, iustum ip-
sius indignationem incurramus tuea-
tur atque defendat.

Oblatio.

Offeremus nos totos Domino,
omnes sensus, omnes animæ po-
tentias, omnes denique vires corporis
ad insumendum eas integre, quoad e-
ius fieri potest, hodie in ipsius seruiti-
um, omnes insuper cogitationes, ver-
ba & opera nostra, vt ipse sic ea regat &
moderetur, vt cuncta ad supre-
mam suæ altissimæ Maiestatis
gloriam dirigantur.

(..)

aa. 6.

Quatt